

**KLIK OP DE TITEL VAN HET
LIEDJE VOOR DE TEKST EN DE
LINK VAN SPOTIFY/YOUTUBE**

't Paedje van gelök

Dink neet aan morge

Ode aan pap en mam

Gooj zin

In mien erm

Laef, Limburg laef!

Ederein (Gaas op dae zuger)

Knaokehel op det vel

't Paedje van gelök

Tekst: Ron Roemen muziek: Joep Servais

<https://open.spotify.com/track/06E82R4ny9K0RyKojdvlv7>

Ich woor d'r neet zoea nao op zeuk
Mer 'ch-haw mesjien waal drop gehaop
Allein zeen haet zien leuke kenj
Toch woor d'r dökker det gemis
't-Gemis van emes naeve mich
Dae aaf en toe 'ns zach: Ich haaj van dich

Refrein:

Doe bös 't bèste waat mich oeatj is euverkómme
Doe bös 't bèste waat d'r kwaam op 't paedje van gelök
De leefde van mien laeve wo ich alles veur zów gaeve
Die kwaam zoea mer op 't paedje, 't paedje van gelök

De angs die blief bie mich bestaon
Det oeatj ouch dit zal euvergaon
Waem witj raak ich ouch dich weer kwiet?
Dao euer maak ich mich zoea drök
Mer dan stèls doe mich weer gerös
Es doe zaes: Ich bön blie des se d'r bös

Refrein

De angs óm mich te binje is die ech veurgood eweg?
Mesjien waer ich verlaote? Wuerdj det mien nuuj gevech?
Mer doe bös nag steeds hie, doe liks nag steeds hie naeve mich
En doe fluusters in mien oear hieël zach: Vannach gaef ich mien hert aan dich

Refrein

Dink neet aan morge

<https://open.spotify.com/track/06UkrRr59hvPvCrOpaOWsD>

Tekst: Ron Roemen muziek: Joep Servais/Ron Roemen

't Is ein gegaeve, veer laeve mer ins
Dus maak d'r get sjoears van zoelang es se kins
Stank op mit 'nne lach en h b zin inne daag
Probleme van morge bestaon neet vandaag

Refrein:

Dink neet aan morge, dink neet aan morge
Dink neet aan morge mer laef vandaag
Dink neet aan morge, dink neet aan morge
Dink neet aan morge mer pl k de daag
Kiek neet tev  l tr k, det brink gein gel k
Relax oppertied en maak dich neet dr k
Dink neet aan morge, dink neet aan morge
Dink neet aan morge mer laef vandaag

Gezellig 'n weekendje same dropoet
Get aete en drinke en slaop dich 'ns oet
Zoea aaf en toe niekse, 'nne miens duit det good
'ns Lekker  nspanne is good veur 't gemood

Refrein

'ns Noe en dan stappe mit vrunj  ngerein
'n Waek nao de z n det vintj ederein fijn

Refrein – l ste regel 2x –

Ode aan pap en mam

Tekst & muziek: Ron Roemen

https://www.youtube.com/watch?v=IDUWV0Z_5LI

Zónger get koom ich oppe waereld, haw nieks óm aan te doen
Geer bezorgde mich kleijer en ich kreeg mien ieëste sjoon
'n Kamer vol mèt speelgoed, waat waerde ich verwindj
Jao ajers die doon alles veur häör eige kindj
Jao ajers die doon alles veur häör eige kindj

Refrein :

Pap en mam geer zeentj bedank
Bedank veur al dae goje raod
Want geer höb d'r veur gezorreg
Det ich 't slechte achterwaege laot

Noe staon ich hie veur 't altaor, geer höb mich toet hie gebrach
Mót ich de traone laote kómme, of mót ich sjeete inne lach?
'nne Rink óm miene vinger, dae waat mich noe verbindj
Mer ich zal altied blieve, euch allerleefste kindj
Mer ich zal altied blieve, euch allerleefste kindj

Refrein

Hie is 'n bleumke veur de meute, kiek 'ns wie sjoean 't bleutj
Vanoet 't nieks get sjoeans gewaore, zoea wie ich bön opgegreudj
'n Bleumke veur de meute is waat ich uch noe gaef
Zoea wil ich uch bedanke, bedanke det ich laef
Zoea wil ich uch bedanke, bedanke det ich laef

Refrein

Gooj zin

Tekst & muziek: Ron Roemen

<https://open.spotify.com/track/Oja1EKfpagFB2v4wJdwb44>

't-Is ach oer inne morge, inne bós mit mienen hóndj
De zónnestraole kómme net toet ane gróndj
't Paedje veurt nao baove zoea wiedz ich kieke kin
Mit traone van gelök duuk ich de bós gans deep in

Refrein:

Ich höb toch zón gooij zin, ich höb zón gooij zin
De zónnestraole gaon d'r bie mich zoea lekker in
Ich höb toch zón gooij zin, ich höb zón gooij zin
De morgezón die zorg det ich de daag good gemoodj begin

Hallef zeve inne morge, inne bós mit mienen hóndj
Mesjien 'n oer gelaoge, mer ach 'n leugen is bès gezóndj
D'r-is gaaroet nieks te huieren allein 'n gans klein bietje windj
En ich zeen aan zien stertje waat mienen hóndj van alles vindj

Refrein

't-Is zès oer inne morge, inne bós mit mienen hóndj
Mesjien 'n paar oer later mer dit kwaam 't ieës oet miene móndj
Ich gluif veer zeen de insigste, de res lik nag in bèd
Dao haw ich ouch gaer gelaoge mer veur d'n hóndj gaon ich waal mit

Refrein

Ich höb toch zón gooij zin, ich höb zón gooij zin
De morgezón die zorg det ich de daag good gemoodj begin

't-Is vief oer inne morge, ich haaj baeter mer de móndj
Want det ich noe al inne bós bön, ach det gluif.....toch gènnen hóndj

In mien erm

Tekst: Ron Roemen muziek: Joep Servais/Ron Roemen

<https://open.spotify.com/track/4S2geaLHtgjkSlej9yg4am>

't-Is al zoea lang geleje wies doe de deur oet leeps
Mer wie de daag van gister steit 't mich nag veure geis
De pien die veul ich noe nag, es ich dao weer aan dink
Es ich weer nao oos foto's kiek dan mis ich dich 't meis
't-Kump good, zoeaget mó't sliete, wuuerdj door ederein gezach
Mer det geit toch waal get doere, verberg mien traone door 'ne lach
Toch blief ich d'rin gluive, oeatj kómm' v'r weer biejein
Dan gaon veer weer nao oos plekskes want dao hawwe veer 't same fijn

Refrein:

In mien erm, in mien erm, oeatj liks doe weer in mien erm
Oeatj kumps doe bie mich terök
Ich weit zeker det 't lök
In mien erm, in mien erm, oeatj liks doe weer in mien erm
En bös doe bie mich terök
Zing' veer same van gelök: Lalalalala

Ich weit nag wie se zachs: Ich wil mien vrieheid gaer terök
D'r is te vööl gebeurdj, ich gaon mienen eige waeg
Det 't oeatj zoea wied zów kómme, det haw ich neet verwach
Op slaag verangerdj alles, mien hert gebraoke, 't hoes zoea laeg
Noe verdrink ich jaore later nag steeds in 't verdreet
Veer huurdje toch biejein?! Vergaete kin ich dich neet
Ouch gèn plaats veur emes anges want mien hert luuetj nemes drin
Ich wil gaer nag aan dich vraoge: Zit d'r veur ós nag 'n toekoms same in?

Refrein

Laef, Limburg laef!

Tekst & muziek: Ron Roemen

<https://www.youtube.com/watch?v=JmND5wBe908>

Hie in oos bourgondisch lendje, in 't brónsgreun eikehout
Is eder jaor ein fieës, det is al lang bekroendj mit goud
't-Is veur ós 't allerhoogste waat 't guuef op dizzen aerd
't Hètj hie vastelaovendj en det is ós alles waerd

Refrein:

Laef, laef, Limburg laef!
Riet de kas mer aop en haol de pekskes droet
Laef, laef, Limburg laef!
Boew de wages aaf en roop de prinse oet
Laef, laef, Limburg laef!
Blaos de hoempapa weer de waereld in
Vier 't neet allein, vier mit ederein
Vier 't óngerein, vier mit groeat en klein
Vier 't naevenein, vier 't achterein
Laef, laef, Limburg laef!, Laef, laef, Limburg laef!

Kónfetti en serpentines, vlege hie drie daag dore lóch
Det mink zich mit meziek, daovan höbbe veer genóg
Doog daobie 'n sjeutje gekkigheid en eine flinke hampel spas
'nne Klódder bóntje kluuere, 'n porsie joeks en snap uch vas

Refrein

Oze nachtegaal brutj vanne spas
Oze lieëw dae zink voloet
Zellefs die twieë loupe oet de pas
Blaoze same op die toet
Lalalalalala

Refrein - Laef! -

Ederein (Gaas op dae zuger)

<https://www.youtube.com/watch?v=dzWIYTwVOKI>

Tekst & muziek: Ron Roemen

't Begintj mit de kónfettiëknal
't-Is veur ós 't bèste paerd van stal
Drie daag laote veer de teugels viere
Gaon veer ram door 't getuug
Mit de lieëw en oze nachtegaal
Wuurdj 't bieëstig good, det snap geer waal
Want same gaon veur ós noe begaje
Zeen neet te haje, gaef mer gaas

Refrein:

Ederein dae hie oet Limburg kump
Is mit vastelaovendj good gestump
Dore kluuere laeve veer weer op
Geit 't gaas d'rop, kump nemes stop
Gaon veer oppe pedale staon, dan is 't mit de rös gedaon
Det luuetj oos hert weer sneller slaon, veer blieve drie daag gaon
Ederein dae hie oet Limburg kump
Is mit vastelaovendj good gestump

Noe kóm op, wie Verkes Wullem draan
't Verstandj op nul, de turbo aan
Want veur se-n 't wits is 't aswoonsdig
Is de kook zoea good wie op
Mer veur eine dae van hieëring hètj
Bie 't lèste beer wuurdj dae gesjèltj
Kóm laot noe de glazer nag 'ns klinke
Dich neet bedinke, gaef mer gaas

Refrein

Ederein, ederein.....

Refrein

Knaokehel op det vel

<https://www.youtube.com/watch?v=VvulwxCaMvl>

Tekst & muziek: Ron Roemen

Huer ich se kómme, de zate hermenie
Den dink ich ummer; Waat woor ich dao gaer bie
Mer ich kin nieks van do re mi, 'ch-kin nieks van sol la si
Doe dach ich; Hey, 'n tróm, die speeltj zónger pertie

Ich rendje nao de winkel: Höb geer veur mich 'n tróm?
Egaal wie ze d'roet zuut, ich hang ze mich waal óm
Es se mer taenge get confetti en 'n stuuetje kintj
En taenge kaaj en raenge want ze mót door waer en windj
Ich haw, ich foets, ich vaeg, ich zwaatsj, ich ram noe op die tróm
Want ich bön neet gebaore veur 'n fluit of 'n trómbón

Refrein:

Knaokehel op det vel, noe haw mer op die tróm
Knaokehel op det vel, de spas, dao geit 't óm
Knaokehel op det vel, noe haw mer op die tróm
Egaal wie vööl stekker 't kós
Veer hawwe drop lós, veer hawwe drop lós
Egaal wie vööl stekker 't kós
Veer hawwe drop lós, veer hawwe drop lós

'ch-Trèk mit mien hermenieke noe drie daag euver straat
Zoea aaf en toe den haw ich nag duchtig oet de maot
Mer 't-hoof ouch neet perfek te zeen, 't geit óm 't kebaal
Es 't mer knaokehel is want de res det is egaal
Ich haw, ich foets, ich vaeg, ich zwaatsj, ich ram noe op die tróm
Want ich bön neet gebaore veur 'n fluit of 'n trómbón

Refrein

Refrein - lèste regel 2x-